

XVIII.

Das die Sacramentliche oder mündliche niessung gar nichts nütze, ein Capernaitisch oder Cyclopisch fleischfressen¹⁴³ sey, wie sie grewlich vnd schrecklich gelestert haben alle jre Scribenten Vnd sonderlich jtziger zeit jr
5 Meister von hohen Sinnen, Beza, in allen seinen Schrifften.

XIX.

Das sie die Sacramentliche vereinigung allein eine solche vnd keine andere vereinigung halten vnd erkleren, dadurch die eusserliche Zeichen erstlich von wegen der ordnung vnd einsetzung Gottes vnd Ehnligkeit, so zwischen
10 dem Zeichen vnd der Warheit ist, auch von wegen der versieglung der gnaden Gottes, so im brauch der Sacramenten geschicht, vnd letztlich dieweil die waren Christen in dem rechten brauch, eben da sie die heiligen warzeichen eusserlich entpfangen, zugleich auch durch die krafft vnd wirkung des heiligen Geistes der verheissenen warheit in der that vnd warhafftig teilhafftig
15 werden, eben das sind, das sie nach art der Sacrament genennet werden etc. Andere redens kürtzer vnd allein also: Es sey solche Sacramentliche vereinigung mehr nicht denn similitudo inter signum et rem signatam, das ist, das das eusserliche Zeichen der Geistlichen güter gleich-[H 3r:]nis, bedeutung vnd anbildung ist. Damit sie denn widersprechen dieser vnserer Kirchen lahr
20 vnd meinung, darin wir bekennen, die Sacramentliche vereinigung sey dieses, das vns mit Brot vnd Wein warhafftig gegenwertig ausgeteilet vnd zu essen vnd zu trincken vberreicht vnd gegeben werde der ware Leib vnd Blut Christi, vnd also die Versieglung, versicherung vnd bekrefftigung vnseres Glaubens geschehe nicht allein durch blos Brot vnd Wein, sondern durch die
25 jtzgedachte, warhafft gegenwertige vnd vns vberreichte gaben des Leibs vnd Bluts Christi etc.

Alle diese vnd dergleichen vnzehliche Sophisterey¹⁴⁴ erweisen vnd zeugen klerlich, das die Sacramentirer, vnd neben denselben Exegesis, nicht leiden können, das man die eusserliche jrdische Symbola Brots vnd Weins nennen
30 sol signa exhibitua veri corporis et sanguinis Christi, sondern allein signa significatiua, vnd wenn sie es am besten vnd klüglichen verdecken wollen, signa testificatiua oder memorialia, das ist nur blosse zeugnis ^evnd gedenckzeichen^e der Geistlichen ewigen güter vnd wolthaten Christi.

^{e-c} oder denckzeichen: F.

¹⁴³ Vgl. Joh 6, 24–59. Gemeint ist eine Missinterpretation des Abendmahls als ein Zusehen und Zerbeißen irdischen Fleisches.

¹⁴⁴ Haarspaltereien, Vernünfteleien.